



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Impuritates quantu[m] iram Dei prouocent?

urn:nbn:de:hbz:466:1-45699

2. Reg. 11. 2.

lices rerum successus, accidit, ut surgeret David de strato suo post meridiem, & deambularet in solario domus regia: viditq; mulierem se lavantem, ex adverso super solarium suum, erat autem mulier pulchra valde, &c. Mysis itaque David nuntys tulit eam. Fecunda sunt scelera, facile multiplicantur. Quare ex adulterio, mox natum est homicidium & litteræ Vriæ. Hæc duo peccata rex, & tantus

Ibid. v. 27.

antea Dei amicus perpetravit. Et displicuit verbum hoc, quod fecerat David coram Domino; qui misit ad eum Nathan Prophetam, qui inter multas exprobrationes ei dixit: *Vriam Hethaum percussisti gladio, & uxorem illius accepisti in uxorem tibi, & interfecisti eum gladio filiorum Ammon. Quamobrem non recedet gladius de domo tua usq; in sempiternum.* Quæ mala cum pluribus alijs in eum irrunt, etiam post seriam poenitentiam peractam.

2. Reg. 12. 9.

IV.

Vnicum adulterium divina justitia tot mortalium cadibus, & tanto sanguine diluit. Quid merebitur intemperantia libidinum, quæ totas provincias peruatit? quæ poenâ plectetur tanta corruptela morum, tot vagi concubitus, tam aperti pellicatus, adeò violenta stupra, adeò libera adulteria, adeò nefandi incestus, & flagitia ab ipsa natura abhorrentia, quibus tota regna defœdantur? Castigantur furta, plectuntur homicidia, in impunitatem nimis leniter animadvertitur. Negligentia puniendi, audaciam parit peccandi. Hoc enim in genere aut leges severitatis oblitæ sunt, aut potentia peccantium executionem retardat. Quid ab illis speres, qui negant se præcepta pudicitia posse perficere? carere arbitrij libertate? eandemque hac in re asserunt esse hominis & canis, conditionem; paremque cibi & Veneris necessitatem? Vbi veræ religioni locus esse potest, si talibus principijs ianua aperitur? Quid mirum, tot fidei naufragia audiri? quid iniquum, eos in manus hostium tradi, qui se ipsos in tantas fœditates tradiderunt? *Nisi Dominus exercituum reliquisset nobis semen, quasi Sodoma fuissetis, & quasi Gomorrha similes essemus. Audite verbum Domini, principes Sodomorum, percipite auribus legem Dei nostri populi Gomorrha. Quò mibi multitudinem vicularum vestrarum? dicit Dominus, &c. Ne offeratis ultra sacrificium frustra incensum abominatio est mihi. Causam igitur maximam habent Principes ut licentiam corrigant, libidinem refrænent, legibus*

Ma 1. 9.

peccatis

poenis coërceant, omnes sine discrimine cohibeant. Quòd si non omnium animos possunt emendare, impetum tamen lasciuia possunt comprimere. Quos non facit castos virtus, saltem metus faciet continentes. Sin autem magistratus vel non possunt, vel non volunt hic vigilare, quid mirum est, si veniant undecumque, qui gladio, fame, tormentis deliciarum desideria excludant, vel qui moribus non emendantur, mortibus deleantur?

Neque opus est, pluribus confirmare, impudicitiam publicis urbium & regnorum exitijs à Deo puniri. Docuit id totius mundi interitu cataclysmus; docuerunt Sodomorum igniti nimbi; docuerunt caedes Beniamitarum; docuerunt omnium regnorum calamitates. Asia, Graecia, Africa, cum in manus Barbarorum venirent, unum erant lupanar. Ea de causa & Israel, & Iudaei ducti sunt in captiuitatem. Non tacuit id Ieremias, cuius haec sunt: *Quis dabit capiti meo aquam, & oculis meis fontem lachrymarum? & plorabo die ac nocte interfectos filios populi mei. Quis dabit me in solitudine diuersorum viatorum, & derelinquam populum meum, & recedam ab eis? quia omnes adulteri sunt, coetus prauaricatorum.* Ac rursum: *Quid dices, cum uisitaerit te? tu enim docuisti eos aduersum te, & erudisti in caput tuum: numquid non dolores apprehendent te, quasi mulierem parturientem? Quòd si dixeris in cordo tuo: Quare uenerunt mihi haec? Propter multitudinem iniquitatis tuae reuelatae sunt uerecundiora tua, polluta sunt planta tua.* Iterumque: *Vnde & ego nudavi femora tua contra faciem tuam, & apparuit ignominia tua, adulteria tua, & hinnitio tuum, scelus fornicationis tuae: super colles in agro uidi abominaciones tuas.* Statum autem Iudaicae Reip. qui haec fieri à Domino, meruit, his uerbis indicauit Osee: *In malitia sua latificauerunt regem: & in mendacijs suis principes. Omnes adulterantes, quasi clibanum succensum à eoquente.* Atque haec de Hebraeis.

Chaldaeorum uastitas Babylone profecta est, extincta ciuitas, dirutum templum, uasa per hostium manus in fanum Beli deportata. Ita quod Chaldaei scortis peccarunt, Babylonijs armis punierunt. Quamquam nec ipsi meliores. Quis enim credat, Babylonem gente vlla fuisse castiorem? Illa mundi praedatrix, illa omnibus impurior, illa meretricum & lenarum regina, illa filiarum & matrum, vxorum & liberarum fuit prostitutrix. Quid ergo

V.

Ierem. 9. 1.

Ierem. 13. 16.

Osee. 7. 3.

VI.

ergo